

永樂北藏

永樂北藏

趙樸初題



永樂北藏第一四五冊目錄

○宗鏡錄 一百卷 宋延壽集 (本冊卷第一至卷第三十三 策一—實三) 一

宗鏡錄序

策一

宋左朝請郎尚書禮部員外郎護軍楊傑撰

諸佛真語以心爲宗衆生信道以宗爲鑑衆
生界即諸佛界因迷而爲衆生諸佛心是衆
生心因悟而成諸佛心如明鑑萬象歷然佛
與衆生其猶影像涅槃生死俱是強名鑑體
寂而常照鑑光照而常寂心佛衆生三無差
別國初吳越永明智覺壽禪師證最上乘了
第一義洞究教典深達禪宗稟奉律儀廣行
利益因讀楞伽經云佛語心爲宗乃製宗鏡

錄於無疑中起疑非問處設問爲不請友真
大導師擲龍宮之寶均施群生徹祖門之關
善客來者舉目而視有欲皆充信手而拈有
疾皆愈蕩滌邪見指歸妙源所謂舉一心爲
宗照萬法爲鑑矣若人以佛爲鑑則知戒定
慧爲諸善之宗人天聲聞緣覺菩薩如來由
此而出一切善類莫不信受若以衆生爲鑑
則知貪瞋癡爲諸惡之宗脩羅旁生地獄界
趣由此而出一切惡類莫不畏憚善惡雖異
其宗則同返鑑其心則知靈明湛寂廣大融

永樂北藏

宗鏡錄

第二回

通無爲無住無修無證無塵可染無垢可磨
爲一切諸法之宗矣初吳越忠懿王字之秘
于教藏至元豐中皇弟魏端獻王鏐板分施
名藍四方學者罕遇其本元祐六年夏游東
都法雲道場始見錢唐新本尤爲精詳乃吳
人徐思恭請法涌禪師同永樂法真二三耆
宿徧取諸錄用王乘興藉聖賢教誨校讀成
就以廣流布其益甚博法涌知予喜聞是錄
因請爲序云

宗鏡錄序

吳越國王 錢俶 謹序

詳夫域中之教者三正君臣親父子厚人倫
儒吾之師也寂兮寥兮視聽無得自微妙升
虛無以止乎乘風馭景君得之則善建不拔
不得之則延既無窮道儒之師也四諦十二
因緣五明外解脫時習不忘日修以得一登
果地永遠真常釋道之宗也惟此三教並自
心修心鏡錄者智覺禪師所撰也總乎百卷
包盡微言

我佛金口所宣盈于海藏蓋亦提誘後學師
之智慧辯才演暢萬法明了一心禪際河游
慧間雲布數而稱之莫能盡紀聊爲小序以
頌宣行云爾

宗鏡錄 并序

宋慧日永明寺主智覺禪師 延壽 集

伏以真源湛寂覺海澄清絕名相之端無能
所之迹最初不覺忽起動心成業識之由爲
覺明之咎因明起照見分俄興隨照立塵相

分安布如鏡現像頓起根身次則隨想而世
界成差後則因智而憎愛不等從此遺真失
性執相徇名積滯著之情塵結相續之識浪
鎖真覺於夢夜沉迷三界之中瞽智眼於昏
衢簡箇九居之內遂乃縻業繫之苦喪解脫
之門於無身中受身向無趣中立趣約依處
則分二十五有論正報則具十二類生皆從
情想根由遂致依正差別向不遷境上虛受
輪迴於無脫法中自生繫縛如春蠶作繭似
秋蛾赴燈以二見妄想之絲纏苦聚之業質

用無明爲因和合緣起之火輪用谷響言
音論四生緣起緣起現三有形儀然
後達順想風動雲散緣起空觀苦芽
一向徇塵罔知反本還源者豈不自
心造幻化之化原不自心造幻化之境
漸成憂漢之高名極其苦海者豈不
浪爾後將欲反初復本約根利便者豈
真如界中開三乘五性或是空而證果
緣而入真或三祇熏鍊漸具行門或一念圓
修頓成佛道斯則剋證有異一性非殊因成

凡聖之名似分真俗之相若發窮微洞本究
旨通宗則根本性離畢竟寂滅絕昇沉之異
無縛脫之殊既無在世之人亦無滅度之者
二際平等一道清虛識智俱空名體咸寂迺
無所有唯一真心達之名見道之人昧之號
爲凡之始復有邪根外種小智權機不了生
死緣起原罔知人我之見本唯欲獸喧斥動
塵勞無味靜真空不知埋真拒覺如
內之微塵盡滅盡虛影斯則勞形役思

喪力捐功不異足水助冰投薪益火豈知重
光在青虛影隨身除病眼而重光自消息幻
質而虛影當滅若能迴光就已反境觀心佛
眼明而業影空法身現而塵跡絕以自覺之
智刃剖開纏內之心珠用一念之慧鋒斬斷
塵中之見網此窮心之旨達識之詮言約義
豐文質理詣揭疑關於正智之戶籙妄草於
真覺之原愈入髓之沉痾截盤根之固執則
物我遇智火之焰融唯心之爐名相臨慧日
之光釋一真之海斯乃內證之法豈在文詮

知解莫窮見聞不及今爲未見者演無見之
妙見未聞者入不聞之圓聞未知者說無知
之真知未解者成無解之大解所冀因指見
月得免忘筌抱一冥宗捨詮檢理了萬物由
我明妙覺在身可謂搜抉玄根磨龍窟顯
禪宗之骨髓標教網之紀綱餘惑微瑕應手
圓淨玄宗妙旨舉意全彰能摧七慢之山永
塞六衰之路塵勞外道盡赴指呼生死魔軍
全消影響現自在力闡大威光示真實珠利
用無盡傾祕密藏周濟何窮可謂香中熟其

牛頭寶中探其驪領華中採其靈瑞照中耀
其神光食中啜其乳糜水中飲其甘露藥中
服其九轉主中遇其聖王故得法性山萬頓
落群峯之峻醍醐海闊橫吞衆派之波似
魄之騰輝奪小乘之星宿如朝陽之孕綠
外道之昏蒙猶貪法財之人信衣囊棄^{第一}
甘露之有遇清涼池為氣變^五無形^五不^五見^五
薩真慈之父抱膏肓之疾逢善見慈藥王
險難之途遇明達之良導久居闇室忽臨寶
炬之光明常處裸形頓受天衣之妙服不求

而自清無功而頓成故知無量國中難聞名
響應^五功^五內^五罕^五遇^五傳^五持^五以^五如^五去^五未^五因^五緣^五目^五為^五
聖^五鏡^五現^五二^五道^五而^五清^五虛^五可^五鑒^五辟^五群^五邪^五而^五毫^五髮^五不^五
容^五缺^五體^五無^五私^五圓^五光^五匪^五外^五無^五邊^五義^五海^五咸^五歸^五顧^五瞬^五
無^五所^五萬^五像^五形^五容^五盡^五入^五照^五臨^五之^五內^五斯^五乃^五曹^五谿^五一^五
佛^五和^五有^五諸^五祖^五同^五傳^五鵠^五林^五不^五二^五之^五宗^五群^五經^五共^五述^五
有^五謂^五萬^五善^五之^五淵^五府^五衆^五指^五之^五玄^五源^五一^五字^五之^五寶^五王^五
摩^五訶^五之^五元^五祖^五遂^五使^五離^五心^五之^五境^五文^五理^五俱^五虛^五即^五識^五
本^五摩^五訶^五量^五有^五據^五一^五心^五之^五海^五印^五楷^五定^五圓^五宗^五八^五識^五
之^五智^五燈^五照^五開^五邪^五闇^五實^五謂^五舍^五生^五靈^五府^五萬^五法^五義^五宗^五

轉變無方卷舒自在應緣現迹任物成名諸
佛體之號三菩提菩薩修之稱六度行海慧
變之爲水龍女獻之爲珠天女散之爲無著
華善友求之爲如意寶緣覺悟之爲十二緣
起聲聞證之爲四諦人空外道取之爲邪見
河異生執之作生死海論體則妙符至理約
事則深契正緣然雖標法界之總門須辯一
乘之別旨種種性相之義在大覺以圓通重
重即入之門唯種智而妙達但以根羸靡鑒
學寡難周不知性相二門是自心之體用若

具用而失恒常之體如無水有波若得體而
闕妙用之門似無波有水且未有無波之水
曾無不濕之波以波徹水源水窮波末如性
窮相表相達性源須知體用相成性相互顯
今則細明總別廣辯異同研一法之根元搜
諸緣之本末則可稱宗鏡以鑒幽微無一法
以逃形則千差而普會遂則編羅廣義撮略
要文鋪舒於百卷之中卷攝在一心之內能
使難思教海指掌而念念圓明無盡具宗目
親而心心契合若神珠在手永息馳求猶覺

樹垂陰全消影跡獲真實於春池之內拾磔
渾非得本頭於古鏡之前狂心頓歇可以深
批見刺永截疑根不運一毫之功全開寶藏
匪用利那之力頓獲玄珠名爲一乘大寂滅
場真阿蘭若正修行處此是如來自到境界
諸佛本住法門是以普勸後賢細垂玄覽遂
得智窮性海學洞真源此識此心唯尊唯勝
此識者十方諸佛之所證此心者一代時教
之所詮唯尊者教理行果之所歸唯勝者信
解證入之所趣諸賢依之而解釋論起千章

衆聖體之以弘宣談成四辯所以撥竒提異
研精洞微獨舉宏綱大張正網撈攬五乘機
地昇騰第一義天廣證此宗利益無盡遂得
正法久住摧外道之邪林能令廣濟含生塞
小乘之亂轍則無邪不正有偽皆空由自利
故發智德之原由利他故立恩德之事成智
德故則慈起無緣之化成恩德故則悲合同
體之心以同體故則心起無心以無緣故則
化成大化心起無心故則何樂而不與化成
大化故則何苦而不收何樂而不與則利鈍

齊觀何苦而不收則怨親普救遂使三草二木咸歸一地之榮邪種焦芽同霑一雨之潤斯乃盡善盡美無比無儔可謂括盡因門搜窮果海故得創發菩提之士初求般若之人了成佛之端由頓圓無滯明識歸家之道路直進何疑或離此別修隨他妄解如犖角取乳緣木求魚徒歷三祇終無一得若依此旨信受弘持如快舸隨流無諸阻滯又遇便風之勢更加櫓棹之功則疾屆寶城忽登覺岸可謂資糧易辦道果先成披迦葉上行之

衣坐釋迦法空之座登彌勒毗盧之閣入普賢法界之身能令客作賤人全領長者之家業忽使沉空小果頓受如來之記名未有一門匪通斯道必無一法不契此宗過去覺王因茲成佛未來大士仗此證真則何一法門而不開何一義理而不現無一色非三摩鉢地無一聲非陀羅尼門嘗一味而盡變醍醐聞一香而皆入法界風柯月渚並可傳心煙島雲林咸提妙旨步步踏金色之界念念嗅薝蔔之香掬滄海而已得百川到須彌而皆

同一色煥乎開觀象之目盡復自宗寂爾導
求珠之心俱還本法遂使邪山落仞苦海收
波智攝以之安流妙峯以之高出今詳祖佛
大意經論正宗削去繁文唯搜要旨假舉問
答廣引證明舉一心為宗明萬法如鏡無照
古製之深義微略示人指歸而後揚無
之四緣介於真妄之間三聖地無染宗以為
釋迦聖子因提婆問答而後發明其因
信以經妙善善施金寶同報
佛恩共傳斯旨耳

宗鏡錄卷第一

標宗章第一

詳夫祖標禪理傳默契之正宗佛演教門立
詮下之大旨則前賢所稟後學有歸是以先
列標宗章為有疑故問以決疑故答因問而
疑情得啓因答而妙解潛生謂此圓宗難信
難解是第一之說被最上之機若不假立言
辭無以蕩其情執因指得月不無方便之門
獲免忘筌自合天真之道次立問答章但以
時當末代罕遇大機觀淺心浮根微智劣雖

知宗旨的有所歸問答決疑漸消惑障欲堅
信力須假證明廣引祖佛之誠言密契圓常
之大道徧採經論之要旨圓成決定之真心
後陳引證章以此三章通爲一觀搜羅該括
備盡於茲矣○問先德云若教我立宗定旨
如龜上覓毛兔邊求角楞伽經偈云一切法
不生不應立是宗何故標此章名答斯言違
滯若無宗之宗則宗說兼暢古佛皆垂方便
門禪宗亦開一線道切不可執方便而迷大
旨又不可廢方便而絕後陳然機前無教教

後無實設有一解一悟皆是落後之事爲
二頭所以大智度論云以佛眼觀一切十方
國土中一切物尚不見無何況有法畢竟空
法能破顛倒令菩薩成佛是事尚不可得何
況凡夫顛倒有法今依祖佛言教之中約今
學人隨見心性發明之處立心爲宗是故西
天釋迦文佛云佛語心爲宗無門爲法門此
土初祖達磨大師云以心傳心不立文字則
佛佛手授授斯旨祖祖相傳傳此心已上約
祖佛所立宗旨又諸賢聖所立宗體者杜順

和尚依華嚴經立自性清淨圓明體此即是
如來藏中法性之體從本已來性自滿足處
染不垢修治不淨故云自性清淨性體徧照
無幽不曠故曰圓明又隨流如染而不垢返
流除染而不淨亦可在聖體而不增處凡身
而不滅雖有隱顯之殊而無差別之異煩惱
覆之則隱智慧了之則顯非生因之所生唯
了因之所了斯即一切眾生自心之體靈知
不昧寂照無遺非但華嚴之宗亦是一切教
體佛地論立一清淨法界體論云清淨法界

者一切如來真實自體無始時來自性清淨
具足種種過十方界極微塵數性相功德無
生無滅猶如虛空徧一切有情平等共有與
一切法不一不異非有非無離一切相一切
分別一切名言皆不能得唯是清淨聖智所
證二空無我第一所顯真如為其自性諸聖分證
諸佛圓證此清淨法界即真如妙心為諸佛
果海之源作眾生究竟之地此皆是立宗之
異名非別有體或言靈覺者也以心為宗故
云天上天下唯我獨尊靈覺者性也以心

爲體故云知一切法即心自性或言智者以
心爲智即是本性寂照之用所以云自覺聖
智普光明智等若約義用而分則體宗用別
若會歸平等則一道無差所以華嚴記問云
等妙二位全同如來普光明智者結成入普
所以此會說等妙二覺二覺全同普光明智
即是會歸之義問等覺同妙覺於理可然妙
覺之外何有如來普光明智爲所同耶答說
等覺說妙覺即是約位普光明智不屬因果
該通因果其由自覺聖智超絕因果故楞伽

經妙覺位外更立自覺聖智之位亦猶佛性
有因有果有因有果以因取之是因佛
性以果取之是果佛性然則佛性非因非果
普光明智亦復如是體絕因果爲因果依果
方究竟故云如來普光明智或稱爲本者以
心爲本故涅槃疏云涅槃宗本者諸行皆以
大涅槃心爲本本立道生如無綱目不立無
皮毛靡附心爲本故其宗得立○問若欲明
宗只合純提祖意何用兼引諸佛菩薩言教
以爲指南故宗門中云借蝦爲眼無自己分

只成文字聖人不入祖位答從上非是一翻
不許看教恐慮不詳佛語隨文生解先於儀
意以護初心或若因詮得旨不作心境對論
直了佛心又有何過只如藥山和尚一生看
大涅槃經手不釋卷時有學人問和尚尋常
不許學人看經和尚爲什麼自看師云只爲
遮眼聞學人還看得不師云汝若看牛皮也
須穿且如西天第一祖師是本師釋迦牟尼
佛首傳摩訶迦葉爲初祖次第相傳迨至此
土六祖皆是佛弟子今引本師之語訓示弟

子今因言薦道見法知宗不外馳求親明佛
意得旨即然祖位誰論頓漸之門見性現證
則通無標前後之位若如是者何有相違且
如西天七代二十八祖此土六祖乃至洪州
馬祖大師及南陽忠國師鵝湖大義禪師思
靈寂奉傳禪師等並博通經論圓悟自心所
看經教皆引誠證終不出自曾臆妄有指陳
是經緯歷歲華真風不墜以聖言爲定量邪
偏難移用至教爲指南依憑有據故圭峯和
尚云謂諸宗始祖即是釋迦經是佛語禪是